



Broj: 02-04-74/24-AP-9
Datum: 25.01.2024. godine

GRADSKO VIJEĆE ZAVIDOVIĆI
n/r PREDSEDavajućEM GRADSKOG VIJEĆA
Admir Fojnica, prof.

PREDMET: Odgovori na vijećnička pitanja sa 20. sjednice Gradskog vijeća Zavidovići održane 28.12.2023. godine, dostavljaju se

Povodom vijećničkih pitanja postavljenih na 20. sjednice Gradskog vijeća Zavidovići održanoj 28.12.2023. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA HARISA HODŽIĆA

Vijećnik Haris Hodžić: Uvaženo radno predsjedništvo, poštovane kolege vijećnici, dragi građani koji nas pratite putem sredstava informisanja, dozvolite mi da Vas sve srdačno pozdravim i poselamim. Za ovu sjednicu imam samo jedno kratko vijećničko pitanje, obzirom da nisam to napravio u pismenoj formi, uputit ću u sljedećoj formi. Tražim od nadležne gradske službe informaciju gdje je utrošeno 8.632,00 KM iz Transfera 8212257753 kapitalni izdaci iz namjenski sredstava, konto asfaltiranje puteva u MZ Rujnica? Tražim da mi nadležna služba dostavi _ ovog konta.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-6-11/24 od 18.01.2024. godine): Sredstva sa 821225753 Kapitalni izdaci iz namjenskih sredstava Kantona utrošena su za nabavku i isporuku 69 m³ betona za potrebe modernizacije cesta na području Mjesne zajednice „Rujnica“. Isporuka je vršena sukcesivno u periodu juni - august 2023. godine, a o čemu svjedoče priložene otpremnice.

2. VIJEĆNIČKO PITANJE VIJEĆNIKA DEMIRA BULJUBAŠIĆA

1. Vijećnik Demir Buljubašić: Prvo pitanje je u kojoj je fazi izgradnja vodovoda u Sinanovićima i kada bi se radovi mogli okončati?

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-6-11/24 od 18.01.2024. godine): Izgradnja vodovoda u Sinanovićima je u završnoj fazi i za isti je neophodno osigurati sredstva u iznosu oko 45.000,00 KM. Grad Zavidovići planira ovaj projekat uvrstiti u Program utroška sredstava vodnih naknada ZDK za 2024. godinu te isti okončati do kraja tekuće godine.

2. Vijećnik Demir Buljubašić: Da li Grad Zavidovići ima pripremljen idejni projekat za izgradnju mosta u MZ Gostović, naseljeno mjesto Skakavac?

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-6-11/24 od 18.01.2024. godine): Grad Zavidovići nema pripremljen idejni projekat za izgradnju mosta u MZ „Gostović“, naseljeno mjesto Skakavac.

3. VIJEĆNIČKO PITANJE VIJEĆNIKA ZAHIDA AVDIČEVIĆA

Vijećnik Zahid Avdičević: Gospodine gradonačelnice, predsjedavajući, kolegice, kolege vijećnici, građani Grada Zavidovića, medji, sve Vas srdačno selamim i pozdravljam. Moje pitanje će biti vrlo kratko, za nadležnu službu. Dokle se stiglo sa aktivnostima, evo već 5-6 mjeseci gore na parking ispred gradske džamije inicirao sam, pitao, probao da postojeća 3 mjesta, pretvorimo u 2 invalidska. Pošto ljudi koji dolaze tu u džamiju, dolaze u invalidskim kolicima i vrlo je teško na onako uskom prostoru da izađu iz auta. Znači da se samo, već postoje dva invalidska mjesta, da se treće doda, da onda ostanu dva koja će biti šira za nekih metar. Zahvaljujem.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-6-11/24 od 18.01.2024. godine): Budući da će se kao i svake godine i ove godine provoditi javna nabavka radova održavanja gradskih i prigradskih ulica Grada Zavidovići, u čijem se sklopu nalazi i horizontalno obilježavanje saobraćajne signalizacije, obilježavanje parking mjesta ćemo izvršiti nakon provedenog postupka Javne nabavke radova redovnog održavanja gradskih i prigradskih ulica u 2024. godini.

4. VIJEĆNIČKO PITANJE VIJEĆNIKA ŠEMSE FEHRIĆA

1. Vijećnik Šemso Fehrić: U skladu sa članom 109. Poslovnika o radu Gradskog vijeća Zavidovići postavljam

Vijećničko pitanje:

Da li je u pripremi izgradnja mosta preko rijeke Bosne, koji bi povezao ulicu Podubravlje i ulicu Zlatnih ljiljana, tzv. „Gvozdeni most“? Ako jeste, u kojoj je fazi priprema i izgradnja navedenog mosta, kojim sredstvima se planira finansirati i u kojoj kalendarskoj godini se planira graditi?

Odgovor na prvo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-6-11/24 od 18.01.2024. godine): Zbog nepostojanja Regulacionog plana za navedeno područje realizacija odnosno početak realizacije ovog projekta nije moguć dok isti ne bude izrađen i usvojen.

2. Vijećnik Šemso Fehrić: Vijećničko pitanje:

Koje važeće planske dokumente, prema čl. 24. Zakona o prostornom uređenju i građenju ZDK, ima Grad Zavidovići, a koji planski dokumenti su u izradi?

Odgovor na drugo vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, broj: 06-45-17/24-AP-24 od 26.01.2024. godine):

I - Važeći Planski dokumenti:

a) Razvojni planski dokumenti:

- Prostorni plan općine Zavidovići za period 2016-2036. godine.

b) Detaljni planski dokumenti:

- Regulacioni plan „Centar - I“ Zavidovići,

- Regulacioni plan „Centar - II“ Zavidovići,

- Regulacioni plan „Centar - III“ Zavidovići,

- Regulacioni plan „Luke“ Zavidovići,

- Regulacioni plan „Majdanska polja“ Zavidovići,

- Regulacioni plan „Ekonomija - Batvice“ Zavidovići.

II - Regulacioni planovi u izradi:

- Regulacioni plan „Kamenica“,

- Izmjene i dopune Regulacionog plana „Luke“,

Za Regulacione planove „Novo Naselje“, „Desna obala rijeke Bosna“, „Lijeva obala rijeke Bosna“, i „Maoča“ Gradsko vijeće Zavidovići je donijelo Odluke o pristupanju izrade navedenih planova.

S poštovanjem

PO OVLAŠTENJU GRADONAČELNIKA
broj: 02-45-9/22-AP-41 od 22.04.2022. godine
SEKRETAR GRADSKOG ORGANA
DRŽAVNE SLUŽBE

Dostavljeno:

1. Naslovu,
2. U spis.

Nermin Čahtarević, dipl. pravnik